

CYFARFOD	CYNGOR LLAWN
DYDDIAD	3 MAI, 2018
PWNC	CYDNABYDDIAETH ARIANNOL I AELODAU ETHOLEDIG
AELOD CABINET	Cynghorydd Dyfrig Siencyn
AWDUR	Geraint Owen, Pennaeth Gwasanaethau Democrataidd a Phennaeth Adran Cefnogaeth Gorfforaethol

CEFNDIR

1. Mae adroddiad Blynyddol Panel Annibynnol Cymru ar Gydabyddiaeth Ariannol bellach wedi ei chyhoeddi (Chwefror 2018). Bydd adroddiad y Panel yn cael ei roi ar waith ar gyfer blwyddyn ariannol 2018/19.
- 1.1 Yn dilyn etholiadau 2017, bu i'r Panel ymweld â phob Awdurdod i drafod gwahanol agweddau o gydnabyddiaeth i Aelodau. Mae argymhellion y Panel yn seiliedig ar y trafodaethau hynny a bellach wedi eu cyhoeddi. Gellir gweld copi o'r adroddiad terfynol drwy ddilyn y ddolen isod:

[Adroddiad Blynyddol Panel Cydnabyddiaeth Ariannol 2018](#)

- 1.2 Prif bwyntiau o'r adroddiad:
 - Cynnydd o £200 yn y cyflog sylfaenol i'r holl Aelodau etholedig (codi o £13,400 i £13,600 – cyfateb i 1.49%) o Ebrill 2018
 - Dim newid yng nghyflogau'r Arweinydd a'r Dirprwy Arweinydd
 - Diddymu'r trefniant dwy haen/lefel o gydnabyddiaeth ar gyfer Aelodau'r Cabinet a Chadeiryddion Pwyllgorau.
 - Gosod Aelodau Cabinet ar UN lefel cyflog (£29,300)
 - Gosod Cadeiryddion Pwyllgorau ar UN lefel cyflog (£22,300)
 - (Bydd y cyflog sylfaenol yn gynwysedig yn y cyflog).
 - Cais gan y Panel i annog aelodau i hawlio ad-daliadau costau gofal fel nad yw'r Aelodau dan sylw'n profi anfantais ariannol.

Y MATER SYDD GERBRON

- 2.1 Mae dyfarniadau'r Panel Cydnabyddiaeth Ariannol yn rhwymo Cynghorau i wneud y taliadau a bennir ganddynt. Yr unig ffordd i beidio â gwneud y taliadau hynny yw i Aelod unigol ddatgan nad yw am dderbyn y cyfan neu gyfran o'r taliadau trwy gysylltu yn uniongyrchol a Phennaeth y Gwasanaethau Democrataidd.

2.2 Cadeiryddion Pwyllgorau

Mae cyfrifoldeb ar y Cyngor i ystyried a oes gwahaniaeth yng nghyfrifoldebau Cadeiryddion Pwyllgorau. Yn unol ag adroddiad y Panel, gosodir cyfyngiad ar y nifer o uwch-gyflogau y mae modd eu talu. Y cyfyngiad ar gyfer Gwynedd yw **18** ac ar sail penderfyniadau blaenorol y Cyngor, fe'i telir i'r canlynol:

- Arweinydd
- Dirprwy Arweinydd
- 8 aelod arall o'r Cabinet
- Arweinydd yr Wrthblaid fwyaf
- Cadeiryddion Pwyllgorau
 - Pwyllgor Craffu (x3)
 - Pwyllgor Archwilio a Llywodraethu
 - Pwyllgor Cynllunio
 - Pwyllgor Trwyddedu (Canolog a Chyffredinol yn cael ei gyfrif fel un Pwyllgor)
 - Pwyllgor Pensiynau

2.3 Bu i Aelodau'r Pwyllgor Gwasanaethau Democrataidd, yn ei gyfarfod ar 12 Ebrill 2018, ystyried cyfrifoldebau Cadeiryddion y Pwyllgorau uchod a chyfrifoldebau Cadeiryddion Pwyllgorau eraill sydd ddim yn derbyn cydnabyddiaeth arbennig megis Pwyllgor Apelau Cyflogaeth, Y Pwyllgor Iaith a'r Pwyllgor Gwasanaethau Democrataidd.

2.4 Yn seiliedig ar arolwg i geisio gwybodaeth am lwyth gwaith Cadeiryddion Pwyllgorau, argymhelliad y Pwyllgor Gwasanaethau Democrataidd oedd y dylid parhau i dalu uwch gyflogau i'r 18 rôl a restrir ym mharagraff 2.2 uchod.

Cyflogau Dinesig (Cadeiryddion ac Is-gadeiryddion y Cyngor)

2.5 Yng nghyd-destun Cyflogau Dinesig, i Gadeiryddion ac Is gadeiryddion y Cyngor, amlygodd y Panel bod llawer o Gynghorau yn gosod cyflogau dinesig ar lefelau grwpiau poblogaeth (A, B ac C - Gwynedd yn Grŵp B). Ystyriwyd nad oedd hyn o reidrwydd yn adlewyrchu cyfrifoldebau penodol oedd yn gysylltiedig â'r rolau. O ganlyniad, mae'r Panel wedi pennu tair lefel o gyflog dinesig (gweler y tabl isod) y gellid eu talu.

2.6 Rhaid i bob Awdurdod benderfynu pa lefel (os o gwbl) a fydd yn cael ei dalu ar gyfer y rolau hyn yn unol â ffactorau lleol. Mae hyn yn ei gwneud yn bosib talu i Gadeirydd ac Is-gadeirydd yn yr un Awdurdod ar wahanol lefelau.

2.7 Yng Ngwynedd, yn ogystal â chadeirio cyfarfodydd o'r Cyngor Llawn, y pennaeth dinesig (Cadeirydd y Cyngor) yw 'dinesydd cyntaf' a 'llysgennad' yr Awdurdod, sydd yn cynrychioli'r Cyngor ar bob math o achlysuron, yn cynnwys digwyddiadau gyda sefydliadau a chyrrff allanol.

Lefel	Cadeirydd y Cyngor	Is Gadeirydd y Cyngor
1	£24,300	£18,300
2	£21,800	£16,300
3	£19,300	£14,300

** Bydd y cyflog sylfaenol (£13,600) yn gynwysedig yn y cyflog dinesig.*

- 2.8 Bu i Aelodau'r Pwyllgor Gwasanaethau Democrataidd ystyried y mater yn ei gyfarfod ar 12 Ebrill 2018. Yn seiliedig ar wybodaeth a dealltwriaeth am y gofynion ar y rôl, roedd aelodau'r pwyllgor o'r farn fod y gofynion ar y rôl yn uwch na'r gofynion ar Gadeiryddion Pwyllgorau eraill. Argymhelliad y Pwyllgor Gwasanaethau Democrataidd oedd
- y dylid pennu'r cyflog dinesig ar gyfer Cadeirydd y Cyngor ar Lefel 1 (£24,300)
 - y dylid pennu'r cyflog dinesig ar gyfer is-gadeirydd y Cyngor ar Lefel 2 (16,300)

ARGYMHELLIAD

3. Mae'r Pwyllgor Gwasanaethau Democrataidd wedi trafod y materion yn eu cyfarfod ym mis Ebrill, ac yn argymhell:
- Parhau i dalu uwch gyflogau i'r 18 rôl a restrir ym mharagraff 2.2 uchod.
 - y dylid pennu'r cyflog dinesig ar gyfer Cadeirydd y Cyngor ar Lefel 1 (£24,300)
 - y dylid pennu'r cyflog dinesig ar gyfer is-gadeirydd y Cyngor ar Lefel 2 (16,300)